

什邡縣志卷十一

關隘志

高景關治北六十里一名高境關一作高逕關山勢險峻怪石嵯峨中通一徑為入山要路下臨雒水對岸雲蓋象王諸山相峙如門戶亦名雒口張獻忠屠蜀邑人李國祥雷應奇護持數千餘家同入關內積糧儲為保固計賊至攻關卒不能破

楊場鎮治北五十里東臨石亭江雍正九年設俗呼

楊柳場或云即古楊村鎮乾隆十三年廢移今永

什邡縣志

卷十一

關隘

興場

查楊場鎮與綿竹廣濟場

即火燒堰

只隔石亭一江

白虎頭地方與彭縣紅岩子相接俱緊靠大山

界連異縣奸匪易於去來躲閃漢州古志前明

什邡縣歲支彭縣白石溝巡檢司弓兵四名每

名工食銀柒兩貳錢共銀貳拾捌兩捌錢考白

石溝地係彭與什界山口足徵前代彭邑巡

檢司兼轄巡查什加之任今既無巡司則楊場

鎮及白虎頭地分列於躲閃藏奸之處駐捕衙

門八當不時兩兩相會合并查拿庶彼躲閃計窮綏靖輯寧乃爲得要知縣史進爵識

按白虎頭距縣西北四十餘里小阜突起接連平坡約十里許名九嶺埂亦名九嶺岡岡西彭縣境有紅岩子場距縣境內徐家場十里各距岡五里岡中間一高阜向時樹木叢蔚匪竊潛藏之所搶掠爲患嗣經歷任飭令附近居民將樹木砍盡開墾山地此患遂息今成坦途

永興場治北四十里左渡石亭江通綿竹縣火燒堰場五里乾隆十三年因楊場鎮被石亭江水漲冲壞移於李家碾更今名舊志載楊場鎮乾隆甲子丁卯水湮二次議移於舊雜縣址及馬沿河側是也按舊雜縣址爲街子場地因當時議未定故云徐家場治西二十五里距九嶺埂五里又埂西通彭縣紅岩子場五里

馬脚鎮治西二十里左臨鴨子河鎮西五里三界橋橋西卽彭縣漢州三交界處

新市鎮治北二十里石亭江北岸界連綿竹綿竹管
上街什邡管下街此處大界三十餘年不楚知縣
史進爵移會綿竹令吳一璜公勘始清官街房六
間坐東向西知縣史進爵修

附會看得什民鄧國亮等與綿民劉文選控爭
新市鎮街基一案查新市鎮界連綿什於雍正
元年始興場市至雍正四年什綿兩縣場民夏
偉生蕭耀光等互爭場地歷控有案乾隆二年
什邑士民高其哲等復與劉文選爭控連年未

給今兩本縣訂期會勘查得新市鎮場自南起
北至帶子橋河溝止場東係什土場西屬縣地
中以街心分界此天然不易之定址也詎劉文
選逾過帶子橋河溝以南混占場東什土捏稱
買自閩人魏子芳之業殊不思此地自雍正四
年起兩邑民人屢起爭端劉文選係在官人役
豈竟不知而至雍正十二年尚肯向魏姓買此
互爭不明之產乎詞屬荒謬且魏姓又買自何
人驗抄契內並無指實兼稱魏姓早已遠遷更

無質對明係假捏總之此段場基東連什田北
界河溝井然無紊難容捏混自應歸什管轄第
文選既已建立街房四間並占空基一間念係
官地姑免拆毀着赴什邑衙門領給執照除此
五間之外毋許再行起建餘地俱聽什民興場
所執偽契追出塗銷取具遵結立案此謝知縣
史進

禾豐場治東十里白魚河北岸通漢州金輪寺場二
十里

高橋場治北六十里入高景關內十里左臨雒水大
河過河通綿竹金花寺五里

白廟場距高橋場北二十里左臨大河上至紅廟場
一里嘉慶七年新設

紅廟場治西北八十一里左臨大河上通章洛二水
源東過索橋綿竹縣界至吞道觀場二十五里嘉
慶七年新設

街子場治北四十一里古楊場鎮左側半里即漢雒
縣廢址東距永興場一里

隆興場地名五珠沱治西北四十里距場西二里卽
白虎頭嘉慶五年設

尚家場亦名靈傑場治北三十里上至永興場十里
興隆場地名兩路口治北十二里上至尚家場十八
里

仙女洞治西二十里鴨子河西無場市有腰店通彭
縣羅家場十里

龍橋舖治南十里漢州界有舖司距州治三十五里
洛通鎮係古名卽今朱家橋西梅子樹是治北五十

什邡縣志

卷十一

關隘

五

里上通高景關今廢

何家場城西二十里今廢

趙家場城西三十里鴨子河南岸今廢

馬祖場城北二十里白魚河壩中今廢

姚家場城西四十里今廢

杜臨場城北三十里因子美流寓得名久廢

王村鎮

見通志今
其地無考

吉陽鎮

見通志今
其地無考